



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Brevissima Ad
Perfectionem Via: Hoc Est, De Perenni divinæ voluntatis intentione,
executione, apprehensione

Družbicki, Kaspar

Ingolstadii, 1732

VD18 90066340

Considera II. Quid sit Voluntas Dei, & qualis quoad Deum?

urn:nbn:de:hbz:466:1-45352

pungant, quod aqua frigefaciat, quod ventus flet, quod nox diei succedat, quod moriatur quis aut infirmetur, quod persecutioes boni patientur, quod hoc vel iste, vel ille faciat, quod mihi hoc vel illud accidat, non accidat, &c. Sed in his omnibus geram me illo modo, quo de se testatur David. Ps. 30. 10. *Obmutui, & non aperui os meum, quoniam tu (Domine Deus. Tu o adoranda Voluntas Dei mei hæc omnia) fecisti: quoniam tu in istis tibi complaces, quoniam hæc tibi sapientissime, & suavissime, & occultissime, & felicissime: & denique quoniam tu es, qui es, & hoc quod es. Gaudeo quod hæc tua Sanctissima Voluntas fiat. supplico ut fiat hæc tua Sanctissima Voluntas, sicut in cælo, sicut in teipso, ita & in terra, & in nobis, & per nos.*

CONSIDERA II. Quid sit Voluntas Dei, & qualis quoad Deum?

103.

I. Voluntas Dei est in Deo id, quo sibi Deus optimus est. Deus enim per hoc sibi optimus est, quia in nullâ re sibi deesse vult, neque deest, sed omnia bona sibi vult, omniaq; sibi confert, omnia sibi conservat, omnia bona sibi est: hoc autem habet Deus à suâ Voluntate, quâ tantum sibi boni vult Deus, quantum boni esse potest, tantumque boni sibi dat, quantum capere potest in omni genere. Bona est Sapientia? dat illam cum summâ propensione, & alacritate atque gaudio Dei voluntas Deo, & dattantam, quantam Deus capere potest. Bona est Bonitas? dat bonitatem cum summâ item alacritate & voluptate Deo, tantam, quantæ Deus capax est. Bona est pul-

G 2

chri-

chritudo, suavitas, majestas, dignitas, gloria, misericordia, Justitia, perfectionis omnis plenitudo? tantam dat voluntas Dei Deo, quantum capere Deus potest, &c. Ex his ego vel unum hoc colligam, nihil esse melius, quam cum hac Dei voluntate familiaritatem contrahere, per hanc enim fiet, ut omnibus illis divinis bonis tantum ditescam, quantum mea parvitas capere poterit.

104.

II. Ut luculentius capiatur, quomodo se hac Dei voluntas habeat quoad Deum, sciri debet, duas illam habere in Deo singulares prærogativas, atque functiones. *Prima est.* Quod sit vinculum Dei, & vinculum quidem omnino indissolubile, vinculum Deo necessarium, & quod in Deo est necessariò, et si non sine summâ Dei voluptate; adeò ut Deus illud nec effugere possit, nec solvere, immo neque ejus solutionem velle (siquidem deberet velle per voluntatem, Voluntas autem, non potest seipsum nolle, alias id quod vult, nollet) Ligat autem Deum voluntas & vincit in semetipso, ita ut per hoc vinculum Deus sit sibi hoc quod est. videlicet Deus, hic Deus, unus, idem. Quia enim illum ineffabilis illa Communicabilitas & Communicatio videbatur quasi velle partiri à semetipso, & in plures personas dividere ac multiplicare, ne id fieret, voluntas personas quasi vinxit, & duo Supposita unum fecit in natura; neque tamen duo Supposita sustulit, aut confudit, sed potius distincta reliquit, atque etiam seipsum, ut quid tertium, adjectum, adjiciendo nexuit, & multiplicitatem Deorum impedivit: & ex tribus unum in natura conflavit, triaque nihilominus Supposita sed vincita

sed

sed unita, sed identificata in natura reliquit. Dum enim se Pater Filio communicat, se quasi à se separat, seque sibi opponit, sed voluntas illum sibi met apponit, quando se utrique communem interserit, & utrumque conjungit, ita ut illis duabus se velut quid tertium addat, & duo Supposita uniendo tria faciat, omniaque tria supposita, unum in natura reddat. Mira equidem & nec investigabilis, nec comprehensibilis duorum in unitatem & identitatem, per tertii ab utroque distincti, additionem coagmentatio: quis enim capiat? ut ex duobus unum idemque facias, tertium superaddere distinctum ab utroque, commune tamen utriusque, & idem cum utroque, quod & illa duo, & se tertium faciat cum illis, & inter se unum ac idem? Verum est in Creatis etiam, ut duo unum fiant, tertium superaddi solere distinctum, at illa unitas non est proprie unitas; est enim aggregatio potius non verò identificatio. at hīc ita sunt duo Supposita unum in natura per additum tertium, ut omnia & distincta maneant, & tamen sibi met identificata, sintque & tria, & unum: tria supposita, unum in natura, Hoc est mirabile divinæ voluntatis in Deo vinculum, in quo Pater & Filius communi sibi Spiritu sancto nectuntur, suntque; unum & sunt unus: sunt tamen tria Supposita & tres. Unde autem hoc illi Voluntati? ne quare. Voluntas est: hoc satis est. & quis illi potest dicere, cur ita facis? Job. 9.12.

Ex hoc ego colligam, divinæ voluntatis, si-
 cut ejus quæ ad intra est, ita & ejus quæ est ad
 extra proprium esse, omnia Deo unire, quæ di-
 gna Deo sunt, præsertim verò Filium. Unde
 Conabor 1. Filius Dei per gratiam Christi fieri.

G 3

2. De-

2. Deinde hanc voluntatem Dei studebo semper
magni aestimare, & diligenter exequi; illique
me unire, ut sic & illa me secum Deo uniat.

105.

III. Ex hac primâ Prærogativâ Voluntatis
divinæ consurgit altera, quod scilicet sit Domina
& Regina Dei, cum enim ita, ut dixi, vinciat, &
stringat, consequenter illum in suâ potestate ha-
bet, eique dominatur, ita ut nihil faciat Deus
sine illâ, sed omnia per illam, & ad ejus nutum
Deus verò illi in omnibus ad unguem (ut ita di-
cam) obedit. Quod tamen nec Deo indignum
nec divinæ Voluntati indebitum est. Non qui-
dem indignum Deo, perinde, sicut nec indi-
gnum eo est, ut sibi ipse imperet. Volunta-
tis enim ejus, est ille ipse, & ita dum voluntati obe-
dit, sibi obedit. Non etiam debitum Volun-
tati, quia cum sit Sanctissima, Rectissima, Per-
fectissima, Suprema agendi regula, imperan-
que ratio, debetur illi naturaliter, & omni jure,
ut juxta eam quilibet se dirigat. Neque Deus
habet in se altius, rectiusque agendi principium
suâ ipsius Voluntate; ita ut si Deus suâ voluntate
non regeretur, non superfit illi quidquam aliud
quo regatur, sed vel nil agere, otiorique, ve
contra suam voluntatem, sineque illâ agere de-
beret: quorum illud puro actui repugnat, &
hoc per se absurdum est. Voluntas ergo DEI
dominatur Deo, estque ejus Domina, Regina,
Imperatrix.

Ex quo discam ego, aestimare hanc volunta-
tem Dei, meque illi nullatenus subjicere grav-
bor, cui vel ipsum Deum obedire advertam.
Discam etiam quam justum sit & me & omnes
huic Sanctissimæ Dei voluntati subjici; à cujus
subje-
scam p-
& mea
vinæ h-
lam in-
audem-
tis, ta-
lo, à p-
IV
næ in I-
sic loq-
pliùs &
gnitas
test, &
illa ju-
nec ap-
gat.
entissi-
egeba-
divina-
munic-
per ef-
tional-
esse G-
postat-
cierur-
accide-
hac o-
V
mam-
luntas-
militu-
confe-
V

subjectione! Deus etiam seipsum non exemit. Dis-
scam præterea quām in æstimabilis sit hominum,
& mea imprimis malitia, atque nequitia, qui di-
vinæ huic voluntati nos subtrahere, resistere, il-
lam infringere, eiisque omnibus modis repugnare
audemus. Et quibus infernis expiari potest fa-
tis, tanta divinæ voluntatis à vilissimo vermicu-
lo, à pulvere & cinere injuria?

IV. Sed juvat penitus hunc voluntatis divi-
næ in Deum dominatum, deique erga illam, (ut
sic loquar) reverentiam inspicere, ut tanto am-
plius & ejus dignitas, & humana patescat mali-
gnitas Tantum ergo hæc Voluntas in Deum po-
test, & tam Deus illi exactè obedit, ut quidquid
illa jussit, digna, indigna, is ne iota quidem,
nec apicem unum ex omnibus ejus jussis negli-
gat. Communicabat se Deus plenissime, suffici-
entissimeque in seipso tribus personis suis, nec
egebat amplius communicari ; jussit Voluntas
divina, ut Deus se etiam aliis modis infinitis, com-
municaret rebus creatis, per esse Corporeum,
per esse Spiritus, per esse vivens, sensitivum, ra-
tionale, intellectuale, substantiæ, accidentis, per
esse Gratiae, Glorie, Sacramentale, unionis hy-
postaticæ, cùm tantâ in singulis generum, spe-
cierum, individuorum, proprietatum, virtutum,
accidentium, circumstantiarum varietate ; fecit
hæc omnia Deus, & usque nunc facit, & faciet.

V. DEUS habuit imaginem sui adæquatissi-
mam aquid se in Filio suo, jussit tamen illum vo-
luntas Dei infinitas creaturas ad imaginem & si-
militudinem sui condere, iisque esse immortale
conferre; Fecit hoc Deus.

VI. DEUS maxima quæque attributa, &

G 4 per

107.

108.

perfectiones suas habebat apud se reconditam
jussit Voluntas prodere illas gravissimis stupen-
disque operibus: Omnipotentiam, creando tan-
ta, tam varia, tam pulchra, mira ex nihilo, pro-
pagando generationem, &c. Sapientiam, illa
omnia ordinando: Bonitatem, tot virtutibus u-
tilitatibusque ea implendo, & certis usibus de-
putando: Aeternitatem, aeterna multa, incor-
ruptibiliaque faciendo: Liberalitatem, omni
maximis perpetuisque beneficiis ornando, ple-
raque etiam sanctificando, salvando: beando
Misericordiam, ex miseriis extremis ac praefer-
tissimis ea liberando: Justitiam rigidissime illa-
tisfaciendo: Charitatem, tanta propter illam fa-
ciendo, patiendo, instituendo.

X. 109. VII. DEUS erat beatissimus atque felici-
simus ineffabili beatitudine, quae nec in cor ho-
minis poterat ascendere, aut in ullius puræ crea-
turæ animum. Deum sua voluntas jussit Crea-
turas suæ illius beatitudinis capaces condere, a
istum eas finem ordinare media illum consequen-
di præscribere auxilia semper parata uti volenti-
bus præstare, non cogitantibus offerre, respon-
tibus obtrudere.

XI. 110. VIII. DEUS erat sibi sufficientissimus, in
gloriâ, in opibus, in vitâ, in naturâ, in esse, in
virtutibus & perfectionibus, jussit eum tam
Voluntas mendicare à Creaturâ suâ Gloriam, O-
pes, Cultum; quin & vitam, naturam, esse hu-
manum; virtutes etiam, perfectionesque, Pa-
upertatis, Castitatis, obedientiæ, patientiæ, hu-
militatis, mansuetudinis, modestiæ, abstinentiæ,
abnegationis, mortificationis, Spei.

XII. 111. IX. DEUS habebat capacissimum in quo
mane

manceret Domicilium , scilicet , semetipsum : jussit eum tamen acceptare domos in mundo : jussit eum manere in omnibus rebus etiam vilissimis ac minimis , per essentiam , præsentiam , potentiam . Deinde in cœlis , deinde in cordibus rationalium creaturarum , per Fidem , per Gratiam , per corporalem Incarnationem ut in Maria , per Unionem hypostaticam in Christo , in Sacramento panis , in templis .

X. Habebat apud se Deus multa decreta , & 112. consilia secretissima , quæ tamen scitu & operatu erant tūm dignissima , tūm valde necessaria creaturæ : jussit illum hæc omnia creaturis evulgare , etiam tanto ante , non solum per naturale lumen , per figuras , per prophetias , sed etiam per seipsum , non tantūm voce , sed opere & exemplo .

XI. DEUS habebat apud se thesauros pretiosissimos æquè ac delitosissimos , scilicet Filium unigenitum , & Spiritum S. medullam bonitatis suæ ; utrumque jussit dari hominibus , dare debuit , dedit ,

XII. DEUS habuit magna apud creaturas debita , præsertim apud homines ut Amoris , satisfactionis , justitiæ , adorationis , Sacrificii , Gratiarum actionis &c. Jussit voluntas hæc illum sibi met pro hominibus . 1. præstare , 2. deinde etiam id ipsum hominibus præstandi facultatem & potestatem dare , modumque docere , factum est . Hinc Deus sibi pro hominum peccatis ex summo rigore satisfecit , justitiam implevit , seipsum amore cultuque creato quantum creaturæ possibile fuit , amavit , coluit , adoravit . Sacrificium sibi Adoratorium , Gratiarum actorium , propitiatorium , impetratorium , ex seipso insti-

G 5 tuit,

tuit, ejusque potestatem hominibus non solum offerendi, sed etiam conficiendi contulit. Misericordiam & Gratiam hominibus, quin etiam jux ad exigendam gratiam ex jure justitiæ fidelitatis que in manus hominum in Sacramentis dedit.

Admirabor & obstupescam vehementissime hanc divinæ voluntatis in ipsum Deum imperio. sitatem & auctoritatem, Deique ad illam submissionem. Discam etiam, quod si Deus in seipso tantum curat omni ex parte Voluntatis suæ nutritus implere: quantò magis zelabit, ut iidem creaturis impleantur, & quam indignè feret, si non implebuntur. Gaudebo illam tantum in Deum posse, & tam sibi obsequentem Deum habere. Cupiam illam etiam mihi tantum dominari, & me illi tam plenè subjici. Agam immensas gratias, pro me, pro hominibus, pro omnibus creaturis, quod tantorum op' um, tam nobis utilium Deo causa fuerit. Per me ab illâ, ut etiam mei dominatum acceptare velit, mihiique impetrare. Submittam me illi & in æternum in omnibus secundum omnes circumstantias soli me illi servitum proponam.

CONSIDERA III. *Quid & qualis sit Dei voluntas quoad Christum Dominum?*

115.

I. Christus Dominus Deus & Homo Verbum æterni Patris, unigenitusque ejusdem Filius non aliam ob causam in mundum venit, naturamque humanam induit, quam ob solius divinæ Voluntatis placitum. Ubi enim decrevit SS. Trinitas, homines lapsos per Verbum erigere, & redimere, statim Verbum obtulit se ad exequendum hoc decretum, reque ipsâ postea tempore designato, perfecit.